

ք. Երևան

«08» 02 2022թ.

Միասնական սոցիալական ծառայությունը, ի դեմս Ծառայության գլխավոր քարտուղար Ա. Աղաբաբյանի, որը գործում է Ծառայության կանոնադրության հիման վրա (այսուհետ՝ Պատվիրատու), մի կողմից, և «Կրտսեր Ալեքսանյան և որդիներ» ՍՊԸ-ն, ի դեմս տնօրեն Գ. Ալեքսանյանի, որը գործում է Ընկերության կանոնադրության հիման վրա (այսուհետ՝ Կատարող), մյուս կողմից, կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1 Պատվիրատուն հանձնարարում է, իսկ Կատարողը ստանձնում է ծրագրային ապահովման սպասարկման ծառայությունների մատուցման պարտավորությունը (այսուհետ՝ ծառայություն)՝ համաձայն սույն պայմանագրի (այսուհետ՝ պայմանագիր) անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Ծառայությունը մատուցվում է պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Պատվիրատուն իրավունք ունի՝

2.1.1 Ցանկացած ժամանակ ստուգել Կատարողի կողմից մատուցվող ծառայության ընթացքը և որակը՝ առանց միջամտելու Կատարողի գործունեությանը:

2.1.2 Եթե մատուցվել է պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող ծառայություն:

ա) Չընդունել ծառայությունը՝ իր հայեցողությամբ սահմանելով անպատշաճ որակի ծառայությունը պայմանագրին համապատասխանող ծառայությամբ անհատույց փոխարինման ողջամիտ ժամկետ և պահանջել Կատարողից վճարելու պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը:

բ) Հրաժարվել պայմանագիրը կատարելուց և պահանջել վերադարձնելու ծառայության համար վճարված գումարը և պահանջել Կատարողից վճարելու պայմանագրի 5.2 կետով նախատեսված տուգանքը:

2.1.3 Միակողմանի լուծել պայմանագիրը, եթե Կատարողն էականորեն խախտել է պայմանագիրը: Կատարողի կողմից պայմանագիրը խախտելն էական է համարվում, եթե՝

ա) մատուցված ծառայությունը չի համապատասխանում պայմանագրի N 1 հավելվածով սահմանված պահանջներին,

բ) խախտվել է ծառայության մատուցման ժամկետը:

2.2 Պատվիրատուն պարտավոր է՝

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված ծառայության արդյունքը, իսկ ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև պայմանագրի 5.5 կետով նախատեսված տույժը:

2.3 Կատարողն իրավունք ունի՝

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից պայմանագրի 4.2 կետում նշված ժամկետի խախտման դեպքում նաև պայմանագրի 5.5 կետով նախատեսված տույժը:

2.4 Կատարողը պարտավոր է՝

2.4.1 Պայմանագրի N 1 հավելվածով սահմանված պայմաններով ապահովել ծառայության մատուցումը՝ ղեկավարվելով գործող օրենսդրությամբ:

2.4.2 Պայմանագրով նախատեսված դեպքերում վճարել պայմանագրի 5.2 և 5.3 կետերով նախատեսված տույժը և տուգանքը:

2.4.3 Որակավորման և պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1 Մատուցված ծառայությունն ընդունվում է Պատվիրատուի և Կատարողի միջև հանձնման-ընդունման արձանագրության ստորագրմամբ: Ծառայությունը Պատվիրատուին հանձնելու փաստը ֆիքսվում է Պատվիրատուի և Կատարողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով ծառայության մատուցման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ ծառայությունը Պատվիրատուին հանձնելու փաստը ֆիքսող փաստաթուղթը (հավելված N 3.1) և հանձնման-ընդունման արձանագրության 2 օրինակ (հավելված N 3):

3.2 Հանձնման-ընդունման արձանագրությունն ստորագրվում է, եթե մատուցված ծառայությունը համապատասխանում է պայմանագրի պայմաններին: Հակառակ դեպքում պայմանագրի կամ դրա մի մասի կատարման արդյունքները չեն ընդունվում, հանձնման-ընդունման արձանագրությունը չի ստորագրվում և Պատվիրատուն՝

ա) հարցի կարգավորման համար ձեռնարկում է նման իրավիճակի համար պայմանագրով նախատեսված միջոցները.

բ) Կատարողի նկատմամբ կիրառում է պայմանագրով նախատեսված պատասխանատվության միջոցներ:

3.3 Պատվիրատուն հանձնման-ընդունման արձանագրությունը ստանալու օրվան հաջորդող աշխատանքային օրվանից հաշված 10 աշխատանքային օրվա ընթացքում Կատարողին է ներկայացնում իր կողմից ստորագրված հանձնման-ընդունման արձանագրության մեկ օրինակը կամ ծառայությունը չընդունելու պատճառաբանված մերժումը:

3.4 Եթե պայմանագրի 3.3 կետով սահմանված ժամկետում Պատվիրատուն չի ընդունում մատուցված ծառայությունը կամ չի մերժում դրա ընդունումը, ապա մատուցված ծառայությունը համարվում է ընդունված և պայմանագրի 3.3 կետով սահմանված վերջնաժամկետին հաջորդող աշխատանքային օրը Պատվիրատուն Կատարողին է տրամադրում իր կողմից հաստատված հանձնման-ընդունման արձանագրությունը:

4. ՊԱՅՄԱՆԱԳՐԻ ԳԻՆԸ

4.1. Սույն պայմանագրով Կատարողի մատուցման ենթակա ծառայության գինը կազմում է 50200000 (հիսուն միլիոն երկու հարյուր հազար) ՀՀ դրամ:

Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն իրեն մատուցած ծառայության դիմաց վճարում է ՀՀ դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի վճարման ժամանակացույցով (հավելված N 2) նախատեսված չափերով և ամիսներին: Եթե արձանագրությունը կազմվում է տվյալ ամսվա 20-ից հետո և այդ ամսում վճարման ժամանակացույցով նախատեսված են ֆինանսական միջոցներ, ապա վճարումն իրականացվում է մինչև 30 աշխատանքային օրվա ընթացքում, բայց ոչ ուշ, քան մինչև տվյալ տարվա դեկտեմբերի 30-ը:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում ծառայության մատուցման՝ պայմանագրի պահանջների պահպանման համար:

5.2 Պայմանագրի N 1 հավելվածում նշված տեխնիկական բնութագրին չհամապատասխանող ծառայություն մատուցելու յուրաքանչյուր դեպքում Կատարողից գանձվում է տուգանք՝ պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով:²⁰

Ընդ որում տուգանքը հաշվարկվում է նաև ծառայությունը սույն պայմանագրով սահմանված ժամկետում մատուցելու, սակայն պատվիրատուի կողմից այդ չընդունվելու դեպքում:

5.3 Պայմանագրով նախատեսված ծառայության մատուցման ժամկետը խախտելու դեպքում Կատարողից յուրաքանչյուր ուշացված աշխատանքային օրվա համար գանձվում է տույժ՝ մատուցման ենթակա, սակայն չմատուցված ծառայության գնի 0,05 (զրո ամբողջ հինգ հարյուրերորդական) տոկոսի չափով:

5.4 Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝

վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)

Սույն պայմանագրով և սույն պայմանագրի հիման վրա կնքված համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

7. ԱՅԼ ՊԱՅՄԱՆՆԵՐ

7.1 Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի պայմանագրով ստանձնած պարտավորությունների ողջ ծավալով կատարումը:

Պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը:

7.2 Պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով պայմանագիրը լուծվել է:

7.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

7.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող ծառայության ծավալների կամ ձեռք բերվող ծառայության միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

7.6 Ծառայության մատուցման ժամկետը կարող է երկարաձգվել մինչև պայմանագրով այդ ժամկետը լրանալը՝ Կատարողի առաջարկության առկայության դեպքում՝ պայմանով, որ Պատվիրատուի մոտ չի վերացել ծառայության օգտագործման պահանջը, իսկ Կատարողի առաջարկությունը ներկայացվել է ոչ ուշ, քան պայմանագրով ի սկզբանե ծառայությունների մատուցման համար սահմանված ժամկետը լրանալուց առնվազն 5 օրացուցային օր առաջ: Ընդ որում սույն կետով սահմանված դեպքում ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան պայմանագրով սահմանված ժամկետն է:

7.7 Պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.8 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցումը:

7.9 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է www.procurement.am հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը Պատվիրատուն ուղարկվում է նաև Կատարողի էլեկտրոնային փոստին:

7.10 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

7.11 Սույն պայմանագիրը կազմված է _____ էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1, N 2, N 3 և N 3.1 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

7.12 Սույն պայմանագրի նկատմամբ կիրառվում է Հայաստանի Հանրապետության իրավունքը:

7.13 Հիմք ընդունելով ՀՀ քաղաքացիական օրենսգրքի 441-րդ հոդվածը Ծառայությունը և Կատարողը սահմանում են, որ իրենց միջև կնքվող պայմանագրի (համաձայնագրի) պայմանները կիրառվում են 2022 թվականի հունվարի 1-ից փաստացի ծագած հարաբերությունների նկատմամբ:

8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Պ Ա Տ Վ Ի Ր Ա Տ ՈՒ

Միասնական սոցիալական ծառայություն
ՀՎՀՀ 02505511

ՀՀ ՖՆ աշխատակազմի գործառնական

վարչություն

Հ/Հ 900011556652



Կ Ա Տ Ա Ր Ո Ղ

<Կրտսեր Ալեքսանյան և որդիներ> ՍՊԸ

Ք.Երևան, Շիրակի օր, 2-րդ շենք բն 28

ՀՎՀՀ 02236157

Հայկական բանկ Շենքավիթի

մասնաձյուղ

Հ/Հ 168018219838



ՏԵԽՆԻԿԱԿԱՆ ԲՆՈՒԹԱԳԻՐ - ԳՆԱՄԱՆ ԺԱՄԱՆԱԿԱՑՈՒՅՑ*

ՀՀ դրամ

Ծառայության							
Իրավերով նախատեսված ված չափաբաժնի համարը	Գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	Տեխնիկական բնութագիրը	Չափման միավորը	Ընդհանուր գինը /ՀՀ դրամ/	Ընդհանուր քանակը	Հասցեն	Մատուցման
							Ժամկետը
1	72261160/1	Նախաբան Նախագծի շահառու կողմ է հանդիսանում Միասնական սոցիալական ծառայությունը (այսուհետ՝ Ծառայություն), որը պետք է իրականացնի ՀՀ կենսաթոշակատուների հաշվառման միասնական տեղեկատվական համակարգի (այսուհետ՝ ԷԿՏՀ) և նրա ենթահամակարգերի («Երեխաների ծննդյան միանվագ նպաստ», «Մայրության նպաստ» և «Խնամքի նպաստ», որոնք ամբողջությամբ ինտեգրված են ԷԿՏՀ-ում), «Աշխատանքային գրքույկներ» տեղեկատվական համակարգի, Արցախի Հանրապետության աշխատանքի, սոցիալական հարցերի և վերաբնակեցման նախարարության կենսաթոշակատուների հաշվառման միասնական տեղեկատվական համակարգի և Արցախի Հանրապետության Պաշտպանության բանակի (այսուհետ՝ Արցախի ՊԲ) տեղեկատվական համակարգի հետագա արտադրական շահագործումն ու լրամշակումը: ՀՀ բոլոր տեսակի պետական կենսաթոշակները, ծերության, հաշմանդամության, կերակրողին կորցնելու դեպքում նպաստները, չաշխատող կանանց մայրության նպաստը, երեխայի ծննդյան միանվագ նպաստը, մինչև 2 տարեկան երեխայի խնամքի նպաստը, գյուղական բնակավայրում բնակվող ծնողին նշանակվող խնամքի նպաստը, պատվովճարները և պարգևավճարները (այսուհետ՝ կենսաթոշակներ) նշանակվում և վճարվում են ԷԿՏՀ միջոցով: ԷԿՏՀ-ն կենտրոնացված համակարգ է, որն ապահովում է կենսաթոշակների նշանակման, վճարման գործառնությունների (ներառյալ օրենքով սահմանված կարգով վերահաշվարկելը, ստանալու իրավունքը դադարեցնելը և վերականգնելը, վճարելը դադարեցնելը և վերսկսելը, վճարման ցուցակները և անհրաժեշտ ֆինանսական միջոցների հայտ-պահանջագրերի ձևավորելը, կատարված վճարումներն ամփոփելը, փոխարարծ ակտերը հաշվառելը, գրանցելը և այլն) ավտոմատացումը՝ ապահովելով ավտոմատացված այնպիսի որոշումների կայացումը, որոնք բաղաբաժու համար առաջացնում են իրավունքներ և պարտականություններ: «Աշխատանքային գրքույկներ» տեղեկատվական համակարգի միջոցով	դրամ	50200000	1	Ք.Երևան, Նալբանդյան 13	Պայմանագրի ուժի մեջ մտնելու օրվանից մինչև՝ «31»դեկտեմբերի 2022թ.ներառյալ

իրականացվում է՝ անձանց նույնականացումը ՀՀ բնակչության պետական ռեգիստրի տվյալների հիման վրա, ակնհայտ անհամապատասխանությունների բացակայության դեպքում նույնականացված անձանց տվյալների փոխանցումը Կատարող ընկերությանը, տեսաներաժկած աշխատանքային գործույկների էլեկտրոնային լուսապատճենների ներառումը (ներբեռնումը) «Աշխատանքային գործույկներ» համակարգի տվյալների շտեմարան՝ ապահովելով աշխատանքային գործույկի էլեկտրոնային լուսապատճենի կցումը անձին, ակնհայտ անհամապատասխանությունների վերաբերյալ տեղեկատվության ձևավորումը՝ գործատուին տեղեկացնելու նպատակով և այլն:

Արցախի Հանրապետության աշխատանքի, սոցիալական հարցերի և վերաբնակեցման նախարարության կենսաթոշակատուների հաշվառման միասնական տեղեկատվական համակարգի և Արցախի ՊԲ տեղեկատվական համակարգի ապահովումն իրականացվում է Արցախի Հանրապետության օրենքների և կառավարության որոշումների համաձայն և նշված համակարգերում ընդգրկված են բոլոր այն ծրագրային լուծումները, որոնք առկա են ԷԿՏՀ-ում:

Այսուհետ, այս փաստաթղթում «Համակարգ» անվանելով կհասկանանք ԷԿՏՀ-ի ենթահամակարգերով, «Աշխատանքային գործույկներ» տեղեկատվական համակարգը, Արցախի Հանրապետության աշխատանքի, սոցիալական հարցերի և վերաբնակեցման նախարարության կենսաթոշակատուների հաշվառման միասնական տեղեկատվական համակարգը և Արցախի ՊԲ տեղեկատվական համակարգը:

Անհրաժեշտությունը

2022 թվականի Կառավարության ծրագրից բխող մի շարք միջոցառումների իրականացումը, ինչպես նաև շրջանափղո օրենսդրական փոփոխությունների նախագծերի ծրագրային ապահովումը պահանջում է «էլեկտրոնային կենսաթոշակ» տեղեկատվական համակարգում ծավալուն փոփոխությունների իրականացում՝ նոր մոդուլների մշակում, համակարգում առկա մոդուլների լրանջակում, որոշ դեպքերում՝ տրամաբանության փոփոխություն:

Առաջացել են զգալի տարբերություններ Հայաստանի Հանրապետության և Արցախի Հանրապետության օրենսդրական դաշտում, որը ձևավորում է նաև ԷԿՏՀ-ի կիրառկման տարբերություններ, որոնք ապահովելու համար անհրաժեշտ է վերանայել ծրագրային լուծումները, իրականացնելով ծրագրային ապահովման որոշակի տարանջատում (ճյուղավորում):

Համակարգի օգտվողներն են.

- 1) Ծառայությունը և Ծառայության տարածքային ստորաբաժանումները,
- 2) Պաշտպանության նախարարության կենսաթոշակ նշանակող ստորաբաժանումը,
- 3) Արդարադատության նախարարության ԴԱՀԿ և ՔԿԾ կենսաթոշակ նշանակող ստորաբաժանները,
- 4) Արտակարգ իրավիճակների նախարարության կենսաթոշակ նշանակող

						ստորաբաժանումը, 5) Ոստիկանության կենսաթոշակ նշանակող ստորաբաժանումը, 6) Ազգային անվտանգության ծառայության կենսաթոշակ նշանակող ստորաբաժանումը, 7) Արցախի Հանրապետության աշխատանքի, սոցիալական հարցերի և վերաբնակեցման նախարարությունը իր տարածքային ստորաբաժանումներով, 8) Արցախի ՊԲ: Կենսաթոշակներ նշանակելու և վճարելու պայմաններն ու կարգը սահմանված է օրենքներով և այլ իրավական ակտերով (ցանկը նայել Համակարգի գործառնություններին վերաբերվող ՀՀ և ԱՀ օրենսդրություն գլխում): Կենսաթոշակները նշանակվում և վճարվում են հետևյալ ընթացակարգով. 1) շահառուն կամ այլ անձ կենսաթոշակ նշանակող ստորաբաժանում է ներկայացնում դիմում և համապատասխան փաստաթղթեր, 2) կենսաթոշակ նշանակող ստորաբաժանումը դիմումը և փաստաթղթերը հաշվառվում է ԷԿՏՀ-ում, մուտքագրում է համապատասխան տվյալները և ընդունում է համապատասխան որոշում, որն արտացոլվում է համակարգում, 3) Ծառայությունը, հիմք ընդունելով մուտքագրված տվյալները (շտեմարանում կատարված փոփոխությունները) սահմանված պարբերականությամբ, ձևավորում է վճարման ցուցակները, 4) Եթե կենսաթոշակը վճարվում է անվանյալ եղանակով, ապա վճարման ցուցակները էլեկտրոնային եղանակով փոխանցվում է բանկերին, 5) Եթե կենսաթոշակը վճարվում է կանխիկ եղանակով, ապա վճարման ցուցակները էլեկտրոնային եղանակով փոխանցվում են Ծառայության տարածքային ստորաբաժանումներին՝ դրանք սպելու և Հայփոստին տրամադրելու համար, 6) Վճարման վերաբերյալ տեղեկատվությունը մուտքագրվում է ԷԿՏՀ: ԷԿՏՀ-ի միջոցով տարեկան շուրջ 650000-700000 շահառուի բաշխվում է ավելի քան 300 մլրդ դրամ: Նպատակը Սույն տեխնիկական բնութագրի շրջանակներում նախատեսվում է ապահովել Համակարգի հիմնական տարբերակի լրամշակման համար անհրաժեշտ ծրագրային ապահովման և Համակարգի արտադրական շահագործման ընթացքում ի հայտ եկած խնդիրների լուծման աշխատանքներ: Նոր օրենքների, օրենսդրական ակտերի, ՀՀ և Արցախի Հանրապետության կառավարության որոշումների ի հայտ գալու պարագայում առկա Համակարգի հիմնական տարբերակում պետք է իրականացնել համապատասխան փոփոխություններ: Համակարգի ծրագրային ապահովման կիրարկման ծառայության աշխատանքներին ներկայացվող հիմնական պահանջները Ծրագրային ապահովման կիրարկման ծառայություն մատուցող ընկերությունը (այսուհետ՝ Կատարող) Համակարգի լրամշակման աշխատանքները պետք է իրականացնի համապատասխան համակարգի միջոցով, ըստ Ծառայության
--	--	--	--	--	--	---

[illegible]

[illegible]

[illegible]

	2.16. Բնակչության տղիական պաշտպանության պետական կազմակերպություններում (մանկատուն, ծերանոց) բնակվող անձանց վերաբերյալ տվյալների ստացում համապատասխան տեղեկատվական համակարգից, ստացված տվյալների կիրառման ապահովում էԿՏՀ-ում ապահովելով օրենսդրության պահանջները. 2.17. Անձանց հաշմանդամության մասին տվյալների ստացում «Փյունիկ» տեղեկատվական համակարգից, ստացված տվյալների կիրառման ապահովում էԿՏՀ-ում՝ ապահովելով օրենսդրության պահանջները. 2.18. Համակարգի տվյալների շտեմարանների և ծրագրային ֆայլերի պահուստային պատճենների ստեղծում (ամբողջական և օրական կտրվածքով), տվյալների շտեմարանների աշխատանքի մոնիթորինգ, անհրաժեշտության դեպքում տվյալների շտեմարանների վերականգնում պահուստային պատճեններից: Ըստ անհրաժեշտության՝ 2.19. Համակարգից տվյալների (տեղեկատվության), հաշվետվությունների, տեղեկանքների կամ վիճակագրական տվյալների ստացում (արտածում), նշակում և տրամադրում Պատվիրատուին, 2.20. ԷԿՏՀ-ից ինքնաշխատ եղանակով (սերվիսի միջոցով կամ փոխհամաձայնեցված այլ տարբերակով) տեղեկատվության տրամադրում, 2.21. Պատվիրատուի պահանջով՝ Համակարգի միջոցով կատարված գործողությունների (գործառնությունների) վերծանումների տրամադրում Պատվիրատուին, 2.22. ԷԿՏՀ-ի օգտվողների կառավարման ենթահամակարգի անխափան շահագործման ապահովում, կառավարման ենթահամակարգի լրանշակում՝ հաշվի առնելով կենսաթոշակ և նպաստ նշանակելու ընթացակարգերի փոփոխության (դերերի և լիազորությունների վերաբաշխման) հետ, 2.23. Համակարգի աշխատանքի ընթացքում առաջացող՝ անհետաձգելի շտկում պահանջող ծրագրային թերությունների և բացթողումների շտկում շուրջօրյա ռեժիմով (7 օր/24 ժամ), այդ թվում՝ ոչ աշխատանքային և տոնական օրերին (ծրագրային թերությունը և բացթողումը անհետաձգելի է համարում Պատվիրատուն): 2.24. Համակարգի ծրագրային ապահովության մեջ փոփոխությունների կատարում և շտեմարանի լրանշակում: Համակարգի աշխատանքի ընթացքում առաջացող ծրագրային թերությունները և բացթողումները շտկելու, օրենսդրական փոփոխությունների հիման վրա Համակարգի ծրագրային ապահովության մեջ փոփոխությունների կատարելու (լրանշակելու) աշխատանքներն իրականացվում են հետևյալ ընթացակարգով. • Պատվիրատուն համապատասխան համակարգում հաշվառում է առաջադրանքը՝ նշելով առաջնահերթությունը, • Կատարողը, ըստ անհրաժեշտության, առաջադրանքը բնակարան է Պատվիրատուի հետ՝ գրավոր կամ բանավոր կարգով պարզաբանումներ ստանալով առաջադրանքի բովանդակության վերաբերյալ,
--	--

					• առաջադրանքի բովանդակության հստակեցումից հետո Պատվիրատուն և հատարողը փոխհամաձայնեցնում են աշխատանքի ավարտի ժամկետները՝ հաշվի առնելով առաջադրանքի առաջնահերթությունը, և Պատվիրատուն համապատասխան համակարգում հաշվառում է աշխատանքի ավարտի կատարման ժամկետները, • ծրագրային փոփոխությունները նախ թեստավորում է հատարողը, որից հետո տեղադրվում են թեստային միջավայրում՝ Պատվիրատուի կողմից թեստավորման նպատակով, • Պատվիրատուի համաձայնության դեպքում ծրագրային փոփոխությունները տեղադրվում է հիմնական միջավայրում, • հատարողը կազմակերպում է Համակարգի շահագործող մասնագետների ուսուցում՝ ըստ պահանջի և անհրաժեշտության, • հատարողը ապահովում է Համակարգի օգտվողի ձեռնարկի և Համակարգի տեխնիկական այլ փաստաթղթերի թարմացում (լրանշակում)՝ համաձայն կատարված փոփոխությունների: հատարողը պարտավոր է ապահովել տեղեկատվության պահպանման անվտանգությունն ու աշխատանքների իրականացման շրջանակներում իրեն հայտնի դարձած տվյալների գաղտնիությունը: Յուրաքանչյուր ամսվա ընթացքում հատարողի կողմից ներկայացվում է հաշվետվություն՝ կատարված շտեմարանների փոփոխությունների արդյունքների վերաբերյալ: Իրականացված աշխատանքների ընդունում Սույն տեխնիկական բնութագրով նախատեսված աշխատանքների իրականացման արդյունքում յուրաքանչյուր ամսվա ընթացքում կատարված աշխատանքների վերաբերյալ հատարողը Ծառայության է ներկայացնում հաշվետվություն՝ ուղեկցող նամակով, և տվյալ ամսվա ընթացքում ստացված արդյունքներով (անհրաժեշտության դեպքում նաև արտաքին կրիչով), իսկ առնչվող փաստաթղթերը՝ թղթային տարբերակներով: Համակարգի գործառույթներին վերաբերվող ՀՀ և ԱՀ օրենսդրություն 1. ՀՀ և ԱՀ օրենքներ 1. ՀՀ օրենքը «Պետական կենսաթոշակների մասին» (Ընդունված է 2010 թվականի դեկտեմբերի 22-ին), 2. ՀՀ օրենքը «Պետական նպաստների մասին» (Ընդունված է 2013 թվականի դեկտեմբերի 12-ին), 3. ՀՀ օրենքը «Պաշտոնատար անձանց գործունեության ապահովման, սպասարկման և սոցիալական երաշխիքների մասին» (Ընդունված է 2014 թվականի փետրվարի 4-ին), 4. ՀՀ օրենքը «Ժամանակավոր անաշխատունակության և մայրության նպաստների մասին» (Ընդունված է 2010 թվականի հոկտեմբերի 27-ին), 5. ՀՀ օրենքը «Կուտակային կենսաթոշակների մասին» (Ընդունված է 2010 թվականի դեկտեմբերի 22-ին), 6. ՀՀ սահմանադրական օրենքը «Սահմանադրական դատարանի մասին»
--	--	--	--	--	---

[illegible]

					Հայաստանի Հանրապետություն տեղափոխված անձանց սոցիալական պաշտպանության մասին» N 995-Ն որոշումը, 19. ՀՀ կառավարության 2008 թվականի մայիսի 15-ի «Հայրենական մեծ պատերազմի վետերանների ամենամյա պատվոճարի չափը սահմանելու և Հայաստանի Հանրապետության աշխատանքի և սոցիալական հարցերի նախարարության սոցիալական ապահովության պետական ծառայությունը գումար հատկացնելու մասին» N 444-Ն որոշումը, 20. ՀՀ կառավարության 2014 թվականի նոյեմբերի 27-ի «Հայաստանի Հանրապետության «Ժողովրդական» պատվավոր կոչման համար ամենամյա պատվոճար տալու կարգը և դրա չափը սահմանելու և Հայաստանի Հանրապետության կառավարության 2004 թվականի դեկտեմբերի 16-ի N 1841-Ն որոշումն ուժը կորցրած ճանաչելու մասին» N 1335-Ն որոշումը, 21. ՀՀ կառավարության 2010 թվականի դեկտեմբերի 30-ի «Հիմնական կենսաթոշակի չափը, աշխատանքային ստաժի մեկ տարվա արժեքը և թաղման նպաստի չափը սահմանելու մասին» N 1734-Ն որոշում, 22. ՀՀ կառավարության 2013 թվականի դեկտեմբերի 26-ի «Ծերության, հաշմանդամության, կերակրողին կորցնելու դեպքում սոցիալական նպաստների և թաղման նպաստի չափերը սահմանելու մասին» N 1489-Ն որոշում, 23. ՀՀ կառավարության 2011 թվականի մայիսի 26-ի «Հայաստանի Հանրապետության աշխատանքի և սոցիալական հարցերի նախարարությունը բնակչության պետական ռեգիստրի տեղեկատվական համակարգից տվյալներ տրամադրելու կարգը հաստատելու մասին» N 713-Ն որոշում: 24. ՀՀ կառավարության 2012 թվականի օգոստոսի 23-ի «Պետական կենսաթոշակային համակարգի տվյալների շտեմարանը վարելու կարգը հաստատելու մասին» N 1081-Ն որոշում: 25. ԼՂՀ կառավարության 2012 թվականի հունվարի 19-ի «Պետական կենսաթոշակների մասին» ԼՂՀ օրենքի կիրարկումն ապահովելու մասին թիվ 9-Ն որոշում: 26. ԼՂՀ կառավարության 2012 թվականի հունվարի 19-ի «Զինծառայողներին և նրանց ընտանիքների անդամներին տրվող ամենամյա պարգևավճարի չափերը՝ ըստ պարգևավճար ստանալու իրավունք ունեցող անձանց կատեգորիաների, պարգևավճար նշանակելու և վճարելու կարգը սահմանելու մասին» թիվ 10-Ն որոշում: 27. ԼՂՀ կառավարության 2015 թվականի դեկտեմբերի 28-ի «Պետական պաշտոններ զբաղեցրած անձանց սոցիալական երաշխիքների մասին» ԼՂՀ օրենքի կիրարկումն ապահովելու մասին թիվ 902-Ն որոշում: III. Համատեղ հրաման, հրաման 1. Հայաստանի Հանրապետության աշխատանքի և սոցիալական հարցերի նախարարի և Հայաստանի Հանրապետության տարածքային կառավարման և զարգացման նախարարի «Հայաստանի Հանրապետության աշխատանքի և սոցիալական հարցերի նախարարության սոցիալական ապահովության
--	--	--	--	--	--

					պետական ծառայության կողմից արհիվկային փաստաթուղթ ստանալու համար հարցում կատարելու և «Հայաստանի ազգային արխիվ» պետական ոչ առևտրային կազմակերպությունից հարցմանը պատասխանելու կարգը հաստատելու մասին» համատեղ հրամանը (<< աշխատանքի և սոցիալական հարցերի նախարարի 09.02.2017թ. թիվ 16 -Ա հրաման): 2. Հայաստանի Հանրապետության աշխատանքի և սոցիալական հարցերի նախարարի 2017 թվականի նոյեմբերի 28-ի «Մինչև երկու տարեկան երեխայի խնամքի նպաստ նշանակելու և վճարելու, խնամքի նպաստ ստանալու իրավունքը վերականգնելու, խնամքի նպաստ վճարելը վերսկսելու և չվճարված խնամքի նպաստը վճարելու համար անհրաժեշտ փաստաթղթերի ցանկը հաստատելու մասին» N 143-Ն հրաման: 3. << աշխատանքի և սոցիալական հարցերի նախարարի 2012թ. հուլիսի 20-ի թիվ «Արտոնյալ պայմաններով կենսաթոշակի իրավունք տվող առանձնապես ծանր, առանձնապես վնասակար արտադրությունների, աշխատանքների, մասնագիտությունների, պաշտոնների և ցուցակը N 1 ցուցակը և արտոնյալ պայմաններով կենսաթոշակի իրավունք տվող ծանր, վնասակար արտադրությունների, աշխատանքների, մասնագիտությունների, պաշտոնների և ցուցակը N 2 ցուցակը կիրառելու կանոնները հաստատելու և Հայաստանի Հանրապետության աշխատանքի և սոցիալական հարցերի նախարարի 2008 թվականի դեկտեմբերի 11-ի N 153-Ն հրամանը ուժը կորցրած ճանաչելու մասին» թիվ 66-Ն հրաման: 1. Միջազգային համաձայնագրեր 1. 1992 թվականի մարտի 13-ի «Կենսաթոշակային ապահովության բնագավառում Անկախ պետությունների համագործակցության մասնակից պետությունների քաղաքացիների իրավունքների երաշխիքների մասին», 2. 1992 թվականի մայիսի 15-ի «Անկախ պետությունների համագործակցության մասնակից պետությունների գինձառաջողների և նրանց ընտանիքների անդամների կենսաթոշակային ապահովության և պետական ապահովագրության մասին», 3. 1993 թվականի դեկտեմբերի 24-ի «Անկախ պետությունների համագործակցության մասնակից պետությունների ներքին գործերի մարմինների աշխատակիցների կենսաթոշակային ապահովման և պետական ապահովագրության կարգի մասին», 4. «Հայաստանի Հանրապետության սոցիալական ապահովության նախարարության և Ռուսաստանի Դաշնության սոցիալական պաշտպանության նախարարության միջև կնքված՝ կենսաթոշակային ապահովության բնագավառում համագործակցության մասին» վարչական համաձայնագիր: Տեխնիկական տվյալներ Գնման առարկան վերաբերվում է արդեն իսկ առկա գործող համակարգերին, ինչպես նաև նոր գործիքակազմի ստեղծմանը և ներդրմանը՝ կապված օրենսդրական ակտերի մոնիթինգի և նոր հոսանքային ակտերի ընդունման հետ:
--	--	--	--	--	---

Հավելված N 2
 « 08 » 02 2022թ. կնքված
 ՄՄԾ ՀՄԱԾՁԲ-22/1 ծածկագրով պայմանագրի

ՎՃԱՐՄԱՆ ԺԱՄԱՆԱԿԱՑՈՒՅՑ*

ՀՀ դրամ

Ծառայություն														
Դիմաց վճարումները նախատեսվում է իրականացնել 2022թ-ին՝ ըստ ամիսների, այդ թվում														
իրավերով նախատե սված չափաբաժ նի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	անվանումը	հունվար	փետրվար	մարտ	ապրիլ	մայիս	հունիս	հուլիս	սեպտեմբեր	օկտոբեր	նոյեմբեր	դեկտեմբեր	Ընդամենը
1	72261160/1	Ծրագրային ապահովման սպասարկման ծառայություններ	12550000	12550000	12550000	25100000	25100000	25100000	37650000	37650000	37650000	50200000	50200000	502000000

* Վճարման ենթակա գումարները ներկայացվում են ածողական կարգով:

ՊԱՏՎԻՐԱՏՈՒ

Միասնական սոցիալական ծառայություն
 ՀՎՀՀ 02505511
 ՀՀ ՖՆ աշխատակազմի գործառնական վարչություն
 Հ/Հ 900011556652



ԿԱՏԱՐՈՂ

<Կրտսեր Ալեքսանյան և որդիներ> ՍՊԸ
 Ք.Երան, Շիրակի օր, 2-րդ շենք բն 28
 Հայկոնում բնակվող և իրականացնող
 ՀՀՀ 02505511



Պայմանագրի կողմ

գտնվելու վայրը _____
հհ _____
հվհհ _____

Պատվիրատու

գտնվելու վայրը _____
հհ _____
հվհհ _____

ԱՐՁԱՆԱԳՐՈՒԹՅՈՒՆ N
ՊԱՅՄԱՆԱԳՐԻ ԿԱՄ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ
ՀԱՆՁՆՄԱՆ-ԸՆԴՈՒՆՄԱՆ

« » « » 20 թ.

Պայմանագրի /այսուհետ՝ Պայմանագիր/ անվանումը՝

Պայմանագրի կնքման ամսաթիվը՝ « » « » 20 թ.

Պայմանագրի համարը՝ _____

Պատվիրատուն և Պայմանագրի կողմը՝ հիմք ընդունելով պայմանագրի կատարման վերաբերյալ « » « » 20 թ. դուրս գրված N ____ հաշիվ ապրանքագիրը, կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմը մատուցել է հետևյալ ծառայությունները՝

N	Մատուցված ծառայությունների						
	անվանումը	տեխնիկական բնութագրի համառոտ շարադրանքը	քանակական ցուցանիշը		կատարման ժամկետը		Վճարման ենթակա գումարը /հազար դրամ/
			ըստ պայմանագրով հաստատված գնման ժամանակացույցի	փաստացի	ըստ պայմանագրով հաստատված գնման ժամանակացույցի	փաստացի	

Սույն արձանագրության երկկողմ հաստատման համար հիմք հանդիսացած հաշիվ ապրանքագիրը և դրական եզրակացությունը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց

ստորագրություն

ազգանուն, անուն
Կ.Տ.

Ծառայությունն ընդունեց

ստորագրություն

ազգանուն, անուն
Կ.Տ.

ԱԿՏ N

պայմանագրի արդյունքը Պատվիրատուին հանձնելու փաստը ֆիքսելու վերաբերյալ

Սույնով արձանագրվում է, որ _____-ի (այսուհետ՝ Պատվիրատու) և _____-ի
Պատվիրատուի անունը Կատարողի անունը

(այսուհետ՝ Կատարող) միջև 20 թ. _____-ին կնքված N _____
պայմանագրի կնքման ամսաթիվը պայմանագրի համարը

գնման պայմանագրի շրջանակներում Կատարողը 20 թ. _____-ին հանձնման-ընդունման
նպատակով Պատվիրատուին հանձնեց ստորև նշված ծառայությունները.

Ծառայության		
անվանումը	չափման միավորը	քանակը (փաստացի)

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

ԿՈՂՄԵՐԸ

Հանձնեց

ազգանուն, անուն

ստորագրություն

Ընդունեց

հայտը նախագծած ներկայացուցիչ՝

ազգանուն, անուն

ստորագրություն